

Kultureqarnermut, Ilinniartitaanermut, Ilisimatusarner-  
mut Ilageeqarnermullu Naalakkersuisoq Doris Jakobsen  
/MAANI

Ulloq/Dato: 10. maj 2006  
J.nr. 01.39.01.29

**Inatsisartut Kultureqarnermut Ilinniartitaanermullu Ataatsimiititaliaanni sisamangornermi ulloq 11. maj 2006, nal. 09:30 Inatsisartut ataatsimiititaliaasa ataatsimiittarfianni 2-mi isumasioqatigilluni atatsimiinnissaq.**

Inatsisartut Kultureqarnermut Ilinniartitaanermullu Ataatsimiititaliaata Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq Doris Jakobsen ataatsimiititaliaami sisamangornermi ulloq 11. maj 2006, nal. 09:30 Inatsisartut ataatsimiititaliaasa ataatsimiittarfianni 2-mi isumasioqatigalugu ataatsimeeqatiginissaa kissaatigaa.

UPA 2006/20-ip aamma UPA 2006/97-ip siullermeerneqarnerisa kingorna Inatsisartut Kultureqarnermut Ilinniartitaanermullu Ataatsimiititaliaata misissorpai, tassungalu atatillugu Naalakkersuisut matuma kinguliani allassimasunik oqaseqaateqarlunilu apeqquteqarumavoq.

**APEQQUT 1: UPA 2006/20, Tipsernermit lottornermillu iluanaarutinit agguuassisarneq pillugu Inatsisartut inatsisissaattut siunnersuut pillugu.**

Aningaasanik agguuassinermi nunami maani najugaqartut kisimik pissarsisinnaatitaasut § 4-mi erseqqissaatigineqartoq ataatsimiititaliamit maluginiarneqarpoq. Inuit kattuffiilluunniit nunami maani najugaqartut kisimik tapiissutisisinnaatitaanerit ataatsimiititaliamit sulii eqqarsarnartoqartinneqarpoq. Tamatuma kingunerisaanik assersuutigalugu inuusuttut nunatta avataani ilinniartut nunatsinniillu ilinniagaqarnerisuteqartinneqartut pisariaqanngitsumik eqqorneqassapput. Taamatut killiliisimanermut suna pissutaanersoq paasinarsisineqassasoq ataatsimiititaliap kissaatigaa. Apeqqut tamanna Avalak-ip isumaqatiginninniartartuanut René Kvist Christensenimut oqaloqatiginnissutigisimallugu Naalakkersuisunit ilaasortap paasissutissiissutigaa. Apeqqummut tassunga Avalak qanoq isumaqaarpa?

Naammagittaalliortarfimmik sulilertorsinnaasumik pilersitsinissaq pingaaruteqarluinnartoq ataatsimiititaliaq isumaqarpoq. Taamaattumik naammagittaalliorsinnaanermut periarfissat pillugit maleruagassiortoqarnissaa Naalakkersuisunit qanoq qulakkeerneqarnialersaarnersoq itisiliivigineqassasoq ataatsimiititaliamit kissaatigineqarpoq.

**APEQQUT 2: UPA 2006/97 Niuernermut aamma teknikkimut tunngasunik qaffasinne-  
rusumik soraarummeernerit pillugit inuussutissarsiutitigut ilinniarnertuunngorniarni  
ilinniartitaanernut inatsisip Kalaallit Nunaannut atuutilersinneqarsinnaanissaanut  
peqqussutissamat aalajangiiffigisassatut siunnersuut pillugu.**

Immikkoortumut tassunga tunngatillugu tusarniaanerup ingerlanera ataatsimiititaliamit tupigusuutigineqarpoq. Tusarniaaneq pillugu allakkat tusarniaanerup kingusinnerpaamik ulloq 21. marts akissuteqartoqarnissaanik qinnuteqarnermik imallit SIK-mit ulloq 20. marts tiguneqarsimanerat ilaatigut tupigusuutigineqarpoq. Naallu tusarniaaneq pillugu allakkat malillugit naqqiinerit annikitsuaraannanguit pineqaraluartut KANUKOKA akuutinneqartillugu akissuteqarnissamut nalinginnaasumik sapaatit akunnerinik tallimanik periarfissaqartitsisarnerup atorneqartarnissaa ataatsimiititaliamit kaammattuutigineqassaaq. Ilinniartinnit tusarniaanerup akissuteqartoqarsimanngimmat aammalu tusarniaaffissatut nalunaarsuummi allassimasut amerlanerunnginnerat ataatsimiititaliamit assut tupigusuutigineqarpoq. Taamaattumik tusarniaanerup taama periuseqarsimanerup suna pissutaanersoq Naalakkersuisunut ilaasortaq ataatsimiititaliamit aperineqassaaq.

Kiisalu sukumiinerusumik tusarniaanissaq siunertaralugu immikkoortup Inatsisartut 2006-imi ukiakkut ataatsimiinnerannut kinguartinneqassappat tamanna qanoq kinguneqassanersoq paasinarsinneqassasoq ataatsimiititaliamit kissaatigineqarpoq.

Paatsuungasoqqaqqunagu ataatsimiititaliap allanik apeqquteqarsinnaanera oqaatigineqassaaq. Aammalu isumasioqatigiilluni ataatsimiinnissamut oqaasissat allattorsimaffiat ataatsimiititaliamit qinnutigineqassaaq.

Inussiarnersumik inuulluaqqusillunga

Juliane Henningsen  
Ataatsimiititaliap siulittaasua